

أهالي الفيوم لوزير "الظلام": إحنا لاقيين ناكل علشان نجيب دفايات؟



الثلاثاء 20 يناير 2015 12:01 م

تفاقت أزمة انقطاع الكهرباء في محافظة الفيوم، ويشتكى الأهالي من استمرار انقطاع الكهرباء لساعات طويلة يوميًا في القرى والمراكز

وأثارت تصريحات المتحدث باسم وزارة الكهرباء بحكومة الانقلاب التي أكد فيها أن "استخدام المواطنين للدفايات وراء انقطاع التيار الكهربائي".

ويقول هشام سيد: "الحكومة بتقول أي كلام، وبتحاول تشوف لنفسها تبرير"، متابعا: "في الصيف الكهربا كانت بتقطع وقلنا زيادة أحمال، في الشتا يقولو دفايات، هو احنا لاقيين ناكل؟".

ويتفق معه محمد عثمان، الذي يؤكد "أن حالة المواطنين في الفيوم لا تمكنهم من شراء دفايات".

ويتابع: "الناس مش لاقية فلوس تدفع فواتير الكهرباء الغالية، ولا السلع اللي بقت نار، هيجيو منين فلوس للدفايات".

يقول أسامة العريان: "من حق وزراء حكومة الانقلاب يقولوا اللي هما عاوزينه طالما لاقيين اللي مصدقهم"، وتابع: "احنا بنستخدم الحطب والخشب عشان ندفي نفسنا في الشتا، هنجيب فلوس للدفايات منين".

وتشتكي سلمى صلاح من نقص أسطوانات الغاز، وانقطاع الكهرباء وتقول: "العيشة بقت ضلعة لا غاز ولا كهربا".

وتابعت: "بنستخدم الأفران البلدي والكانون في الطبخ، ولمبات الجاز عشان تنور بيوتنا بالليل بدل الكهربا اللي بتقطع".

وكان محمد اليماني المتحدث باسم وزارة الكهرباء بحكومة الانقلاب أكد "أن استخدام المواطنين للدفايات بشكل متزايد وراء انقطاع الكهرباء".